

山  
中  
一  
夕  
話

一衲道人屠隆參閱

少延清歡

陶淵明得太守送酒多以春秫水雜投之曰少  
延清歡數日

杜鵑喚歸

石誼未娶聞杜鵑喚歸歎曰此物催人使歸使

我何所歸耶

孫山荅書

孫山應舉。綴名榜末。朋儕以書問山得失。荅曰。解名盡處是孫山。餘人更在孫山外。覽者大笑。

鄭光辭表

宣宗舅鄭光鎮河中。上封其妾爲夫人。不受表辭。曰。白屋同愁。已失鳳鳴之侶。朱門自樂難容。烏合之人。上笑曰。誰教阿舅作此好事。

同生戊子

程文惠與龐公同戊子生。程已貴。龐尚爲小官。常戲龐曰。君乃小戊子也。龐後大拜。程曰。今日大戊子都爲小戊子矣。

王宰相施設

王及善。後爲右相。無甚施設。惟不許令史輩將驢入堂。終日驅逐。號驅驢宰相。

孫丁甲第

王禹偁稱丁謂與孫何可比韓柳。既而孫冠多士，丁登第四，自以爲與孫齊名，恥居其下。臚傳之後，殿下有言。太宗曰：「甲乙丙丁，合居第四。」復何言？衆太笑。

吏部譏警

吏部侍郎李安期，隋內史德林之孫。安平公百藥之子，性機警。嘗有選人被放，訴云：「羞見來路。」安期問從何關來，曰：「從蒲津關來。」安期曰：「取潼

開路去。選者曰。恥見妻子。安期曰。賢室本自相  
諳。亦應不笑。又一選人引銓。安期看判曰。第書  
稍弱。對曰。昨墜馬損足。安期曰。損足何廢好書。  
爲讀判曰。向看書判。非但傷足。兼似內損。其人  
慙而去。

### 偷狗賦

馮京未第時。讀書于瀋山僧舍。僧有大京烹之。  
僧訴于縣。縣命作偷狗賦。有警聯云。團飯引來。

喜掉續貂之尾。索綯牽去。驚回顧兔之頭。令嘆賞。

秦魏二使善嘲

李茂貞子從儼爲鳳翔節度使。因生辰。秦鳳持禮使。陋而多侮。魏搏使。少年如美婦人。魏搏戲云。今日不準與水草大王拔坐。秦鳳曰。夫人無多言。四座皆笑。

好色自迷

唐司空圖有詩云昨日流鶯今日蟬。起來又是  
夕陽天。六龍飛轡長相送。更忍乘危自着鞭。戒  
以色戕者也。楊誠齋善謔。嘗謂好色者曰閻羅  
王未曾相喚。子乃自求押到何也。

### 省闈齋問

歐文忠公

諱修

知貢舉。省闈故事。士子有疑。許上

請。至日午。猶有喋喋弗已者。過脯稍閑。與諸僚  
方酌酒賦詩。士又有扣簾者。公出。士忽問曰。諸



生欲用堯舜字而疑其爲一事或二事。惟先生教之觀者。闕然笑。公徐曰。似此疑事。或恐其誤。但不必用耳。也。內外又大笑。

訴事口給

尚書宗如周。有人訴事。謂其曾作如州官也。乃曰。某有屈滯。故來訴如州官。如周曰。爾何人。敢呼我名。其人慚謝曰。祇言如州官作如州。不知如州官名如周。早知如州官名如周。不敢喚如。

州官作如州。宗大笑曰。令卿自責。見餅反深。衆咸服其雅量。

祿山胡習

楊貴妃中酒。微露其乳。帝捫之曰。溫柔新剥雞頭肉。安祿山在旁曰。滑膩宛如塞上酥。帝笑曰。信是胡兒。只識酥耳。

洛中新聞

王拱辰太師。卽洛之道德坊。營第甚侈。中嘗起

屋三層。最上曰朝元閣。時司馬君實亦在洛。于  
私第穿地深丈餘。作密室。邵光夫見富鄭公。諱  
富。問洛中有何新事。邵曰。近有一渠。居者一穴。  
處者。遂以二公對。富爲發笑。

### 王皓失馬得馬

王皓字季高。少立名。行性懦緩。嘗從文宣北伐。  
乘赤馬。且蒙霜氣。遂不復識。自言失馬。虞侯爲  
求不得。浪更日出。馬體霜盡。聚在幕前方云。我

馬尚在。

逆風張帆

唐杭州參軍。獨孤守忠。領祖船赴都。夜半急追。集船人更無他語。乃曰。逆風必不得張帆。衆大哂焉。

羲獻自任

王獻之善隸書。變王羲之法。爲今體字。畫秀媚。妙絕時倫。與父俱得名。其章草疎弱。殊不及父。

有問義之云世論卿書不逮獻之荅曰殊不爾也他日見獻之問尊君書何如獻之不荅又問論者云君固當不如獻之笑而荅曰人那得知之也

### 方池詩

錢昭度詠方池詩云東道主人心匠巧鑿開方石貯連漪夜深若被寒星映恰似仙翁一局棋有嘲之者曰此正謂一局黑全輸也

遙宗雅嘯

有一故相遠派在姑蘇。因嬉遊書其壁曰。大丞相再從姪孫某至此。後有士人李章好訕謔。題其旁曰。混元皇帝三千七代孫李章繼至。

人參澡豆

王介甫病喘。藥用紫團山人參不可得。時薛師政自河東還過。贈王數兩不受。人勸曰。公之疾非此不可活。何辭爲。王曰。平生無紫團參。亦活。

到今日竟不受。王面黃黑問醫。醫曰。此垢汗。非疾也。進澡豆。令王頰之。王曰。天生黑子。予。澡豆其如子何。

### 調慳主人

李章赴隣人小集。主人素鄙會。次章適坐其傍。既進饌。主人前一魚。特大于衆客者。章卽請于主人曰。其與君俱蘇人。每見人書蘇字不同。其魚不知合在左邊者是。右邊者是。主人曰。古人

作字不拘一體移易從便也章卽引手取主人之魚示衆云領主人指畫今日左邊之魚亦合從便移過右邊一座輟飯而笑

### 魏收嘲屈

徐之才嘗以劇談調魏收收熟視之曰而是小家方相之才荅曰若爾便是卿之葬具

### 也不碍諺語

宋時吏部有一胥好滑稽有董公邁參選失去



官誥但存紙印遂投狀給據。一日侍郎問其胥曰此事無碍否胥曰朝公大人輩公邁失一官帶印紙在也不碍侍郎覺其誑侮杖一百罷之蓋俗有舞十般癩云一般癩來一般癩渾身爛了用皮拄也不碍如是凡十首。語言相類故應聲爲戲云。

### 分司御史

杜牧爲御史分司洛陽時。李司徒愿罷鎮閑居。

聲妓豪侈。洛中名士多謁之。李高會朝客。以杜持憲不敢邀致。杜遣坐客達意願預會。李邀之。既至。獨坐南行。瞪目注視。問云。聞有紫雲者。孰是。李指之。杜凝睇良久曰。名不虛得。宜以見惠。李俯而笑。諸妓亦回首破顏。杜乃自飲起。吟曰。華堂今日綺筵開。誰遣分司御史來。忽發狂言驚滿座。兩行紅粉一時迴。意氣閑逸。旁若無人。

衛玠丰姿

衛玠美容儀。驃騎王武子。濟其舅也。見玠輒嘆曰。珠玉在側。覺我形穢。後從豫章至都下。都下人久聞其名。觀者如堵牆。玠先有羸疾。勝不堪勞。遂病死。時人謂有殺玠。

謝郎中女

謝郎中有女能詩。長嫁王元甫。元甫調官京師。送別云。此去惟宜早早還。休教重起望夫山。君看湘水祠前竹。豈是男兒淚染斑。

償博太守

陳遵祖父遂宣帝微時與有故相隨博突數負及帝卽位遂爲太原太守乃賜璽書曰太守官尊祿厚可以償博矣

石裕酒沐

石裕方明造酒數斛忽解衣入其中恣沐浴而出告子弟曰吾平生飲酒恨毛髮未識其味今日聊以設之庶無厚薄

郭文洗花

郭文在山間有石榴楊梅等花爲樵牧所傷郭  
賣簪沾酒以澆之人問何故曰爲二千洗瘡止  
痛衆大笑

鄭泉快飲

鄭泉博學有奇姿而性嗜酒閒居嘗曰願得美  
酒滿五百斛船以四時肥甘置兩頭反覆沒飲  
之慙卽住而啖肴膳酒有升斗減隨卽益之不

亦快乎。

平康妓

平康妓瑩娘。玉淨花明。尤善梳掠。畫眉目一作  
樣。康斯立戲之曰。西蜀有十眉圖。汝眉癖若是。  
可作百眉圖。更假歲年。當邀同志爲修眉史。妓  
大悅。

李玄酒

西門季玄造二色酒。白酒中有黑花。斟於器中。

花亦不散中有片石故也。崔道旅以金銀銅錢來酤曰以我三樣錢買君二色酒欲辭得乎。玄笑而與之。

### 何佟之潔癖

何佟之字士威。一日之中洗滌十餘遍。猶恨不足。時嘲之曰水淫。

### 方崇陵翻天人案

浙省下飛來峰石上佛像。定勝國楊漣僧雕琢。

下天竺後壁。是王叔明畫剝落處。近孫宰子補之。方棠陵爲秋官。卽慮囚江南見而索筆題曰。飛來峰。天奇也。自楊總統琢之。天奇損矣。王叔明畫人奇也。自孫宰子補之。人奇索矣。二者乃山中不平之疑案。予法官也不翻。是案何以服人。衆傳以爲笑。

楊玠盜書

楊玠娶崔季讓女。崔家富圖籍。玠婚後頗游其



黃龍寺。既而告人曰。崔氏書爲人盜。盡曾不之覺。崔遽令檢之。玠叩腹曰。已滅經笥矣。崔一笑。

### 晦堂點悟

黃龍寺晦堂老子。嘗問黃山谷。以吾無隱乎爾之義。黃詮釋再三。晦堂不答。時暑退涼生。秋香滿院。晦堂因問曰。聞木犀香乎。黃曰。聞。晦堂曰。吾無隱乎爾。山谷笑而服。

### 張氏雀鼠

張士簡名率嗜酒疎脫懷家務在新安遺家  
重載米二千斛還吳耗失大半張問其故荅曰  
雀鼠耗也張笑曰壯哉雀鼠

晉公術數不爲動

裴晉公名度不信術數每語人曰雞猪魚蒜  
着則喫生老病死時至則行

王夷甫不言錢

王夷甫雅尚玄遠常嫉其婦貪濁口未嘗言錢

字。婦欲試之。令婢以錢遶床不得行。夷甫晨起。見錢。闔行。呼婢曰。舉卻阿堵物。

岳柱巧詰

岳柱字止所。年八歲時。觀畫師何澄畫陶母剪髮圖。指陶母手中金釧。詰之曰。有此可易酒。何用剪髮。何驚笑易之。

蘇舜卿酒佐

蘇子美名舜欽。豪放不羈。好飲酒。在外舅杜祁

公家。每夕讀書。以一斗爲率。公歎密覘之。蘇調  
漢書張良傳。至良與客徂擊秦皇帝。撫掌曰。惜  
乎。擊之不中。遂滿引一大白。又讀至良曰。始臣  
起下邳。與上會于留。此天以授陛下。又撫案曰。  
君臣相遇。其難如此。復舉一大白。公笑曰。有如  
此下酒物。一斗不足多也。

解學士題道士像

壽春道士以小像乞解學士題咏。解書賦。賦。

道士愕然。續云有影無形。拿不得。只因偷却。且仙丹而今反作蓬萊客。

令掾催對

秦興令胡遙雙一門子。忽見一掾挑之與密語。以爲嫌。問掾何語。掾急遽曰。渠是小人表弟。語家事耳。令卽出一對曰。表弟非表兄。表兄非表子。汝能對免責。掾卽應聲。丈人是丈母。丈夫令笑觴之以酒。

夏周二公諺語

夏公忠靖以工部尚書治水蘇州松江與給事中周大有同事一日偕宿天寧寺周早如廁夏戲曰披衣鞞履而行急事急事周卽應聲曰棄甲曳兵而走常輸常輸衆大笑

宗室子丐食不廢禮

吳明卿叅知大梁時有宗室子奪取民間豆腐食之適鼓吹者在旁競奏其樂人問之曰殿下

進膳聊侑食耳

解學士應口對

解學士籍父諱釣九歲時嘗帶公詣江沐浴以  
衣覆老樹上命對云千年老樹爲衣架急應云  
萬里長河作浴盤歸見馬行草野命對云黑馬  
尾拖銀掃帚對云烏龍項帶玉絛環父珍愛之  
甚

嘲六十而娶

王雅宜名龍六十再娶許青陽嘲曰六十作新郎  
殘花入洞房聚猶秋燕子徙亦病鴛鴦戲水全  
無力脚泥不上梁空煩神女意爲雨傍高唐衆  
聞而大笑

嘲誤寫枇杷詩

莫廷韓過袁履善家適村人獻枇杷果誤書作  
琵琶字相與大笑屠令君續至莫避去令偶謂  
有莫君不可得見也袁曰正在此因出見而笑



客尚在面令君以爲問袁道其故令君曰琵琶  
不是這枇杷袁曰只爲當年識字差莫卽云若  
使琵琶能結果滿城簫管盡開花令君賞譽再  
三遂爲莫逆

### 解大紳書影

解公字大紳七歲時一日友人持其父影而至解  
橫書圖畫禽獸友甚不樂于是續云圖公之象  
畫公之形禽中之鳳獸中之麟友笑而奇之

早吾先生編次

笑笑先生增訂

哈哈道士較閱

李文正公陳謔

李文正公秉鉤時觴客皆明經諸君酒未半以  
有他招皆辭去公曰今有一題東面而征西夷  
怨二句是何王意諸君思未得以問公公曰待  
湯衆大笑

解學士籍四歲時出遊市偶跌眾笑之吟曰細  
雨落綢繆街滑似油鳳凰跌在地笑殺一羣  
牛衆無不搖頭吐舌

嚴高二相公善謔

嚴相君訥蘇人面麻但語於蘇有鹽豉之訥高  
相君拱河南人作文常用腹稿但語于河南有  
盜鹽之嘲二公相遇高笑嚴曰公豈在面上嚴  
笑高曰公草在腹中間者爲絕倒

解大紳對

洪武都金水河玉闌干諸勝槩處解大紳慨然  
有觀光之意。子祺乃命對云。金水河邊金線柳。  
金線柳穿金魚口。解應云。玉闌干外玉簪花。  
玉簪花插玉人頭。此八歲時也。衆大奇之。

李文正公神童

李文正公幼舉神童。入朝行不能踰門限。帝朝  
臣神童足短。公應聲曰。天子門高。帝悅而置之。

滕上

伯虎客訪

唐寅

字伯虎

於三月三日浴澡。客過之見以浴

辭不悅。及六月六日。公往謁是客。亦辭以浴。公戲題其壁曰。君昔訪我。我沐浴。我今訪君。君沐浴。君昔訪我。三月三。我今訪君。六月六。蓋三月三。乃浴佛之晨。六月六。乃浴狗之日耳。

文正公對

帝置李文正公於膝上時父伏於丹陛命以對  
曰子坐父立禮乎對曰嫂溺叔援權也帝以爲  
奇確

葉又問不解軍事

金主亮南侵命葉又問

字審言

視師江上又問素

不習軍旅會劉錡捷書率讀之至金賊又添生  
兵顧問吏曰生兵是何物聞者掩口

王敦未緒貴家體

上教初尚王如廁見漆箱盛乾果本以塞鼻王  
謂廁上六下果食遂至盡既還婢擎金漆盤盛  
水琉璃盤盛澡豆因倒著水中而飲之謂是乾  
飯羣婢莫不掩口而笑之

### 支元獻高堂

支元獻廢產架高堂堂成而資贍乏適賓諫議  
過曰堂甚好只是欠二條梁主人問其故荅云  
一條是不思量一條是不酌量

陽明賦詩

王陽明諱守仁年十一時過金山寺龍山公與客  
酒酣賦詩未成陽明從旁曰金山一點大如拳  
打破維揚水底天醉倚妙高樓上月玉簫吹徹  
洞龍眠客大驚異復使賦敵月山房詩隨應曰  
山近月遠覺月小使道此山大於月若人有眼  
大如天還見山小月更濶客益奇之

崔夫人獠語



唐杭州刺史裴有敵疾甚。令錢塘縣主簿夏榮  
看之。榮曰：使君百無一慮。夫人早須崇福以禳  
之。律夫人曰：禳須何物？榮曰：使君娶二姬以厭  
之。出三年則厄過矣。夫人怒曰：此獠狂語。兒在  
身無病。榮退曰：夫人不信。榮不敢言。使君合有  
三婦。若不更娶於夫人不祥矣。夫人曰：乍可死  
此事不相當也。

土地錯配

溫州有土地杜十姨無夫五髭鬚相公無婦州人迎杜十姨以配五髭鬚合爲一廟杜十姨爲誰杜拾遺也五髭鬚爲誰伍子胥也解少陵曰靈豈不對子胥笑曰爾尚有相公之稱我乃爲十姨何雌我耶

### 楊大年狎老

楊大年弱冠與周翰朱昂同在禁掖二老時已瞠然矣楊每論事則侮之曰二老翁以爲如何

翰不能堪正色謂曰君莫欺侮我老老亦終留  
與君昂曰莫留與他免得後人又欺侮他

### 西字臉

孝皇聖明亦爲左右者所惑有一川官得郡陞  
辭有宦者奏知來日有川知州上殿官家莫要  
笑壽王問如何不要笑奏云外面有一語云裹  
上幙頭西字臉恐官家見了笑只得先奏所謂  
知州者面大而橫濶故有此語來日上殿壽皇

一見憶得先語便笑云卿所奏不必宣讀容朕  
宮中自看愈笑不已其人出外曰早來天顏甚  
悅以某奏劄稱旨殊不知西字險先入之言所  
以動壽皇之笑也

### 太古碑

紹興九年虜歸我河南地商賈往來攜長安秦  
漢間碑刻求售於士大夫多得善價故人王錫  
老貧甚節口腹之奉而事此一日語共遊近得

一碑甚奇及出示顧無一字可辨王獨稱賞不  
已客曰此何代碑王不能答客曰某知之是名  
沒字碑宜乎公好尚之篤也一笑而散

盛丁梅質

盛文肅公諱豐肌大腹而眉目清秀丁晉公諱  
疎瘦如削二公並以文辭知名于時梅學士諱  
每晨起將視事必焚香兩爐以公服單之搃其  
袖以出坐定撒開兩袖郁然滿室濃香有寶文

賓爲館職而不喜修飾。經時未嘗沐浴。時人爲之語曰。盛肥丁。瘦柳香。實矣。

卽事詩

哲宗朝。示子有好爲詩而鄙俚可笑者。嘗作卽事詩云。日煖看三織。風高聞兩相。蛙翻白出窟。蚓死紫芝長。潑聽琵琶鳳。餒拋接建章。歸來塵裏坐。打殺又何妨。或問詩意。答曰。始見三蜘蛛。織網於簷間。又見二雀。闘於兩廂廊。有死蛙。翻

腹似出字。死蚘如之字。方喫淡飯。聞鄰家琵琶。  
作鳳栖梧。食饅餒未畢。聞人報建安章秀才上  
謁。迎客既歸。見內門上畫鍾馗擊小鬼。故云打  
死又何妨。

相公相婆

王和父守金陵。荆公退居半山。每出跨驢。從二  
村僕。一日入城。忽遇和父之出。公亟入編戶家  
避之。老嫗自言病。沽求藥。公隨行。偶有藥。取以

遣之。姥酬以麻線一段云：相公可將歸，與相公也。公笑而受之。

### 顏回買誼

陳和叔爲舉子，通率少檢。後舉制科，驟爲買杜時號執熟。顏回時孔仲舉對制策，言天下有可歎息慟哭者。旣而被斥，和叔曰：孔生真杜園買誼也。王平甫聞之曰：杜園買誼好對執熟。顏回

### 王翰林



王平甫學士家幹魁碩盛夏入館中下馬流汗  
浹衣劉貢父曰君真所謂汗淋學士也

海蛇何以嗜

王敏道食海蛇曰人何苦嗜之哉一饜而已

錯認老子

弘治中吾郡一豪子以事官病之急竄匿不出  
官百計索之不能得或言鄉者某多智數官延  
訪之者乞屏左右乃曰欲得之須問老子官曰

老子已在此矣。者意蓋用欲取先予之術。官所云謂已執其父也。者曰不是這箇。老子官曰正。是這箇。老子者又曰如前官終不悟。卽叱之。退曰。這蠢物尚謂一人有兩老子。何智術之有。

### 陳令判老大成婚

陳晟知奉新縣。有王允升老而娶妻徐氏。爲諸寵所阻。當夜不成婚。而成訟。晟判曰。兩家老夫婦。方結同心。一夜惡姻緣。遽成反目。這場公案。

好入笑林。王允升白髮皤然。自謂力微而心壯。  
奈氏女青春過了。亦湏華落而色衰。始焉草草  
婚姻。終也匆匆聚散。鴛鴦小小。思珍偶。輸與少  
年。鳳凰寥寥。不復聞。遂成一夢。

檳榔酬報

劉穆之小時家貧。誕節不持檢操。常往妻江氏  
家乞食。多見侵辱。不以爲恥。一日食畢。求檳榔。  
江氏兄弟戲之曰。檳榔消食。君乃常饑。何忍湏。

此及穆之爲丹陽尹召江氏兄弟食令厨人以金拌檳榔一斛進之。

宋之問口過

宋之問天后朝求北門學士不許作明河篇以見志則天見其詩謂崔融曰非不知宋之問有奇才但恨有口過耳宋終身慚憤口過謂口鼻也。

崔杜相戲

唐華原令崔思海口吃。每共表弟杜延業遞相戲弄。杜嘗語崔云。延業能遣兒作雞鳴。但有所問。兄卽須報。旁人云。他口應須自由。何得遣人驅使。若不肯作。何能遣之。杜卽云。能得。旣而後人卽共杜私賄。杜將一把穀來崔前。云。此是何物。崔云。穀。穀。旁人大笑。因輸延業。

楊衡爲人盜文

楊衡初隱廬山。有盜其文登第者。衡因詣闕亦

登第見其人怒曰。一一鶴聲飛上天。在否。荅曰。此句知兄最惜。不敢偷衡曰。猶可恕也。

長髯無安頓處

蔡君謨美鬚髯。一日屬清閑之燕。上顧問曰。卿髯甚美。長夜覆之於衾下乎。將寘之於外乎。君謨無以對。歸舍暮就寢。思聖語。以髯寘之內外。悉不安。一夕不能寢。蓋無心與有心異也。

梁趙調詈

唐初梁寶好嘲戲。曾因公行至貝州。憩客館中。閑問貝州佐史云。此州有趙神德。甚能嘲。即令召之。寶頗甚黑。廳上憑案以待。須臾神德入。兩眼俱赤。至階前。梁寶卽云。趙神德。天上旣無雲。閃電何以無准則。荅云。向者入門來。案後唯見一挺墨寶。又云。官裏料朱砂。半眼供一國。又荅云。磨公小搦指。塗得太社北。寶更無以對。媿謝退之。

幡綽善調文樹

唐安西牙將劉文樹。口辨善奏對。明皇幸蜀。文樹髭生頰下。貌類猴。上令黃幡綽嘲之。文樹切惡猿猴之號。迴密賂幡綽。不言之。幡綽許而進。嘲曰。可憐好箇劉文樹。髭鬚共如頰。別任文樹面孔。不似猢猻狢。猢猻狢面孔。強似文樹。上知其賂。大笑。

歸皮相嘲



皮日休謂歸仁紹不遇作龜詩嘲曰硬骨殘形  
知幾秋屍骸終不是風流頑皮死後鑽應得  
爲平生不出頭歸亦嘲之云八片尖皮砌作毬  
火中浸了水中揉一團閑氣如常在那裏踢招拳  
卒未休

守忠滑稽

章聖朝春月多召兩府兩制三館于後苑賞花  
釣魚賦詩自元昊叛西陲用兵廢缺甚久嘉祐

宋仁宗修舉故事時。韓魏公諱琦爲首相。在宴和詩。卒章云。曾參二十年前會。今脩台司得再陪。內侍任守忠以滑稽侍上。從容曰。韓琦譏陛下。仁宗愕然問故。守忠曰。譏陛下錫宴太頻。上大

笑。

### 令夫人疑弄已

陽伯博任山南一縣丞。其妻陸氏名蒙。女也。縣令婦姓伍。他日會諸相之婦。旣相見。縣令婦問。

贅府夫人何姓。荅曰：姓陸。次問主簿夫人，荅曰：姓戚。縣令婦勃然入內，諸夫人不知所以，欲却回。縣令聞之，遽入問其婦。婦曰：贅府婦云姓陸。主簿婦云姓戚，以吾姓伍，故相弄耳。餘官婦賴吾不問，必曰姓八。姓九，令大笑曰：人各有姓，復令其婦出。

孫子荆誤語

孫子荆年少時，好爲隱語。王武子嘗枕石漱流。

謂曰漱石枕流。王曰。流可枕。石可漱乎。孫曰。所以枕流。欲沈其耳。所以漱石。欲礪其齒。

### 朱子京雪幕揮毫

朱子京修唐書。嘗一日大雪。添轡幕。然棘燭。左右熾炭兩巨鑪。諸姬環侍。方磨墨濡毫。以澄心堂紙草一傳未成。顧諸姬曰。汝輩俱曾在人家。頗見主人如此否。皆曰無有。其間一人來自宗子家。子京曰。汝太尉遇此天氣。亦復如何。對曰。

只是攤爐命歌舞。間以雜劇。引滿大醉而已。如  
何比得內翰。于京點頭曰也。自不惡。乃閣筆掩  
卷。起索酒飲之。幾達晨。明日對賓客。自言其事。  
後每譙集。必舉以爲笑。

老婢巧擬宣武

桓宣武自以容姿風氣。是司馬宣王劉越石之  
儔。有以比王大將軍者。意甚不平。及北伐還於  
路中。得一巧作老婢。乃越石故妓也。見桓便潛

然而泣。桓問其故。答曰。公甚似劉司空。桓大悅。出外整理衣冠。又呼問此婢。婢云。面甚似恨。薄。眼甚似恨。小。鬚甚似恨。赤。形甚似恨。短。聲甚似恨。離桓於是。褫衣解帶。昏然而臥。不怡者數日。

### 周翰精敏

孫周翰自幼精敏。其父穆之携以見郡侯。時當春作會。侯與座客簪花。侯因命周翰曰。口吹楊柳。咸新曲。翰曰。頭帶花枝。學後生。侯笑曰。何遜。

便戲老夫

盛度撰碑

后中立在中書時盛度禁林當直撰張文節公  
知白神道碑進御罷呈中書石急問曰是誰撰  
盛卒對曰度撰對訖方悟滿堂大笑

趙伯翁孫兒

趙伯翁肥大夏日醉臥孫兒緣其肚上戲以李  
八九枚內臍中至後日今大爛潰翁乃泣謂家

人曰我腸將死明日卒。拔。出。乃。知。孫。兒。所。納。  
李于也。  
烟

荆公嘲湖陰先生

揚德建號湖陰先生。丹陽陳輔。浙西佳士也。每  
清明過金陵上塚畢。卽過先生之居。清談終日。  
率以爲常。元豐辛酉癸亥。頻歲訪之。不遇。題一  
絕于門云。北山松粉未飄花。白下風輕日脚斜。  
身是舊時王謝燕。一年一度到君家。湖陰歸覓



其詩吟賞久之。曾稱於荆公。公笑曰。此正戲君。爲尋常百姓耳。湖陰亦大笑。

胡昉浙潛

胡昉大言誇誕。當國者以爲天下奇才。力加薦引。未數年爲兩浙潛。一日語坐客云。朝廷官爵。是買吾背頭顱。豈不可畏。適聞人伯卿在座末。趨前云。也買脫空衆大笑。

漢有三姓

梁有牛通爲隴西主簿馬文淵爲太守羊喜爲  
功曹涼部云三牲備身

許嘲林隱

林和靖號隱士傲許洞許嘲之云寺裏掇齊鐵  
老鼠林間咳嗽老獼猴豪民送物鸞伸頸好客  
臨門簾縮頭

天怕老婆

尚書星有好風星有好雨古注云箕星東方宿

宿

也。東木克北土。以土爲妻。土好雨。故箕星從妻。所好而多雨也。畢西方宿也。西金克東木。以木爲妻。木好風。故畢星從妻。所好而多風也。由此推之。則北宮好燠。南宮好暘。中央四季好寒。皆以所克爲妻。而從妻所好也。予一日偶述此義。座有善謔者。應聲曰。天上星宿亦怕老婆乎。滿堂爲哄然一笑。

楊伯子東像歸山

楊伯子爲潮州守。治聲赫然。爲三朝冠士民。相  
與肖像祠于學宮。與工部尚書戴少望並祠。伯  
子意不悅。會除浙東庾節將行。辭先聖禮畢。與  
諸生坐于講堂。命取所祠像來。題詩其上云。面  
有憂民色。天知報國心。三年風月少。兩鬢雪霜  
侵。更莫留形迹。何須問古今。不如隨我去。相伴  
老山林。遂卷藏而行。時有戲綴其尾云。可憐戴  
工部。獨樹不成林。

裴贊侍女詩

裴慶餘佐李北門爲淮南幕。嘗同遊船。舟師誤以船篙水濺侍女衣上。李怒裴請以詩曰。滿額鵝黃金。縷衣翠翹浮。動玉釵垂從。教水濺羅裙濕。知道巫山雲雨歸。李笑而赦之。

苗振倒紉

苗振第四人及第。召試館職。晏丞相語曰。宜稍溫習。苗曰。豈有三十年作老娘而倒紉孩兒者。

乎既試不中選。晏笑曰。苗君竟倒紉孩兒矣。

### 侯白潛探使情

陳嘗令人聘隋。不知其使機辨深淺。乃密令侯白變形貌著故敝衣。爲賤人。供奉客。謂是微賤。甚輕之。乃傍臥放氣。與之言。白心不平。問曰。汝國馬價貴賤。白云。馬有數等。若從伎倆。筋脚好。形容不惡。堪得乘騎者。直二十千已上。若形容粗壯。雖無伎倆。堪馱物。直四五千已上。若驢

尾燥蹄絕無伎倆。傍臥放氣。錢不直。使者大驚。問其姓名。知是侯白。方始愧謝。

獼猴受牒

呂與叔言。長安有安氏家。藏唐明皇獼猴。作紫金色。其家事之甚謹。因兩家富達。遂爲盛族。後其家析居。爭獼猴。斧爲數片。張文潛聞之。戲語曰。明皇生死爲姓安人。極惱。合坐大笑。

楊州司馬哭姊

李文禮累遷至楊州司馬。質性急躁。時在楊州。有吏自京還。得長史家書云。姊亡。請擇日發之。李忽聞姊亡。乃大號慟。吏復白曰。是長史姊。李久而徐問曰。是長史姊耶。吏曰。是李曰。我無姊。



亦怪矣

笑矜門第

唐有姓方人好矜門第。但有姓方爲官。必認云親屬。知識疾其如此。乃謂之曰。豐邑方相是君何親。曰。是某再從伯父。問者笑曰。君旣方相侄兒。只堪嚇鬼。豐邑坊造貞凶器所也。

櫻桃詩不成韻

安祿山叛。史思明繼逆。至東都。遇櫻桃熟。其子

在河北欲寄遺之因作詩同去詩云櫻桃一籠  
子半赤半已黃一半與懷王一半與周至詩成  
皆稱美之曰明公此詩八佳若能言一半周至  
一半懷王卽與黃字聲律稍穩思明大怒曰我  
兒豈可君周至之下至卽其子傳也

### 隆富腹

郝隆七月七日仰臥人問其故答曰我曬書

### 老嫗捷口

劉道真于河側白牽船。兄一老嫗採芡。劉謂之曰。女子何不認機利。行而採芡。嫗荅曰。丈夫何。不跨馬揮鞭而牽船。

顧微異錄

嘉興林叔大。為江浙行省掾。會墨都各屬父老。流以沽美堪甘。於達官顯宦。用品饌甚豐。若適人勝士。不過素湯餅而已。一日延黃平久作禮。重多士畢集。復以供客。明人不能堪。謂太佳。

叔大赧甚。揖潘子素求題其畫。子素援筆書一絕句云。阿翁作畫如說法。信手拈來種種佳。好水好山塗抹盡。阿婆臉上不曾抹。子久笑謂曰。好水好山。謂達官顯宦。阿婆臉不抹。言素面也。言未已。子素復加一句云。諸佛菩薩摩訶薩。俱不解其意。子素曰。此卽僧家懺悔。闕堂大笑而散。叔大數日不見容。

王鐸事急

唐中書令王鐸爲都統以禦黃巢。携姬妾赴。而妻妬忌。忽報夫人離京在道。鐸謂從事曰。巢漸以南來。夫人又自北至。旦夕情味。何以堪堵。

### 馭者罵相

則天朝宰相楊再思晨入朝。值一重車將牽出西門道。滑牛不前。馭者罵曰。一羣癡宰相。不能和得陰陽。而令我匯行如此。辛苦再思。徐謂之。

曰爾牛亦自弱不得噴他宰相。

### 女奴却要

李庚女奴名却要。美容止。善辭令。李有四子。長延禧。次延範。延祚。延祐。所謂大郎。二郎。三郎。四郎也。咸欲蒸之而不得。嘗遇清明之夜。大郎遇之于櫻桃花影中。乃持之。求偶却要。取茵席。覆之。曰。可于廳中。東北隅相待。又遇二郎。調之。曰。可于廳中。東北隅相待。又逢三郎。束之。曰。可于廳中。東北隅相待。又逢四郎。束之。曰。可于廳中。東北隅相待。

廳中西南隅相待。又遇五郎。握手不可解。曰可。  
于廳中西北隅相待。四郎皆持所授茵席。各起。  
一隅。頃却要燃炬。箴扉照之。曰阿堵貧兒。爭敢。  
向這裡覓宿。處四子各并所携。掩面而走。

李女可變

桓司馬溫以李勢女爲妾。南郡王拔刀率婢數十。  
往李所欲砍之。見李在廳前梳頭髮垂委地。  
姿貌絕麗。徐乃結髮。歛手向王曰。國破家亡。無。

心以至今日。若能見殺猶生之年。神色閑王。雖  
旨悽惋。王乃擲刀抱之曰。我見猶憐。何況老奴  
不能作無麵餅。

晏景初請一僧住院。僧辭以窮陋不可爲。景初  
曰。高才固易耳。僧曰。巧婦安能作無麵湯餅乎。  
景初曰。有麵則拙婦亦辦矣。僧慙而退。

### 韓浦兄弟

韓浦韓洎皆有文辭。洎嘗輕浦。語人曰。吾兄



文譬如繩樞草舍。聊蔽風雨。予之爲文。是造五鳳樓手。浦聞之。因親知寄局。牋題詩贈。洎曰。老兄得此。全無用。助爾添修五鳳樓。

崔以戲動李夫人

崔鉉之在淮南。嘗俾樂工習其家僮。以諸戲一日。其樂工告以成就。且試焉。鉉命演于堂下。與妻李氏坐觀之。崔以李氏妬忌。卽以數僮衣媚人衣。曰。妻曰。妾列于旁側。一僮則執簡束帶。旋

唯詰其間。張樂命酒笑語不能無屬意者。李氏未之悟也。久之戲愈甚。悉類李氏平昔所爲。李氏雖少悟。以其戲偶合。私謂不敢然。且觀之。儻志在于發悟。愈益戲之。李果怒罵之曰。奴敢無禮。吾何嘗如此。儻指之。且叱曰。咄咄。赤眼作面。白眼諱乎。鉉大笑。幾至絕倒。

范寺丞妻

撫州監酒范寺丞。婿。姿美而妍。范寵憚之。每

官每休暇招妓燕集皆不得預。一夕范輪次直宿。會有告宿釀者。范晨率吏卒徑往搜捕。其同事李供奉者素知范妻之妬。戲取妓鞋密置范臥具中。湏臾務吏携衾襦歸。妻展衾得鞋。神色沮喪。詰所從來。吏言不知。於是泣怨良久。拊心而呼曰。天乎有是邪。乃入室闔戶而寢。頃之范還排戶入。則自經死矣。

李朝陳越席

蔡君謨守福唐會李太伯與陳烈于白雲亭以  
歌者侑酒方舉板一拍陳驚怖越席攀木踰垣  
而去李作詩曰山鳥不知紅粉落一聲檀板便  
驚飛

### 党進怒咄畫工

党進命畫工寫真寫成大怒詰畫師云我前時  
見畫大虫猶用金箔貼眼我消不得一對金眼  
睛

## 江南驛吏

江南一驛吏以幹事自任。典郡者初至。吏曰。驛中已理。請一閱之。刺史往視。初見一室。署云酒庫。諸醞畢熟。其外畫一神。刺史問是誰。言是杜康。刺史曰。公何餘也。又一室。署云茶庫。諸茗畢貯。復有一神。問是誰。云是陸鴻漸。刺史益善之。又一室。署云蘋庫。諸蘋畢併。亦有一神。問是誰。吏曰。蔡伯喈。刺史曰。公何自不必置此。

鬻餅不聞歌

劉伯紹侍郎所居巷。日有鬻餅者。早過戶。必聞謳歌。當爐召與。萬錢。令多其本。曰。取胡餅償之。後過其戶。寂不聞。呼問曰。何輟歌之速乎。曰。本領既大。心計轉粗。不暇唱渭城矣。

北方相禮

北方民家。吉凶輒有相禮者。謂之白席。多鄙俚可笑。韓魏公自樞密歸鄴。赴一姻家。禮席偶罄。

中有荔枝欲啗之白席者遽唱言曰資政喫荔枝請衆客同喫荔枝魏公憎其喋喋因置不復取白席者又云資政惡發也却請衆客放下荔枝

賈待詔侍太宗碁

宋太宗時待詔賈玄者嘗侍上碁太宗饒玄三千筭輸一路太宗知玄詐不盡其藝也乃謂曰此局出復輸我當榜汝既而滿局不生不死太

宗曰亦詐也。更一局。汝勝賜汝緋。不則投汝于水中。局既平。不勝。不負。太宗曰。我饒汝子。而局平。是不勝也。命左右投之水中。乃呼曰。臣握中尚有一子。帝大笑。賜以緋衣。

新郎阿婆

薛逢晚年厄于宦途。策羸馬赴朝。值新進士綴行而出。團司所由數十人。見逢行李蕭然。前導自回避。新郎君逢遣介語曰。莫貧相。阿婆三五



年時也曾東塗西抹來。

梁灝及第謝表

梁灝年八十二狀元及第謝啓曰。白首窮經。少  
伏生之八歲。青雲得路。多太公之二年。

元章顛索右軍帖

米元章在真州。嘗謁蔡攸於舟中。攸出右軍王  
畧帖示之。元章驚歎。求以他畫易之。攸有難色。  
元章曰。若不見從某。卽投此江死矣。因大呼。據

船船欲墮攸遂與之乃喜。

延之慙偃

何偃路值顏延之遙呼曰顏公延之以其輕脫  
荅曰身非三公之公又非田舍之公又非君家  
阿公何以見呼爲公偃慙而退。

捧硯監簿

石曼卿一日語僧秘演曰館俸清薄恨不得酒  
飲演曰非久當引一酒主人奉謁不數日引一

納粟牛監蒲來以官醪十擔爲贄列醞於庭演  
爲俳刺曼卿愕然延之乃問甲第何許生曰一  
別舍介繁臺之側曼卿閑語演曰繁臺寺閣虛  
爽可變久不一登其生曰學士與太師果欲登  
閣當具酒簌迎候曼卿因許之一日休沐約演  
同登演預戒生生果陳具于閣器皿肴核冠於  
都下后演高歌灑涕飲至落景曼卿醉喜曰此  
遊可紀乃以盆漬墨濡巨筆題云石延年曼卿

同空門詩友老演登此生拜叩曰庶賤之人幸  
獲陪侍乞掛一名以光賤迹曼卿大醉握筆沉  
慮目演佯聲諷曰大武生捧硯用事可也演以  
爲言竟題云牛某捧硯永叔後以詩戲曰捧硯  
得全年

### 女壻姨夫

歐陽修與王拱辰同爲薛簡肅公壻歐先娶長  
女王娶其次後歐公夫人故再娶其妹人戲曰

舊女壻爲新女壻大姨夫作小姨夫

張司錄夜殺猪

張端爲河南司錄府當祭社買猪已呈尹其夜突入錄廳端卽令殺之吏以白尹尹問端對曰按律諸無故夜入人家主人登時殺之勿論尹大笑爲別市猪

覩書減疾

劉璵妹爲鄱陽王妃性極妬王爲明帝所誅她

追傷成疾。璵不能止。乃令陳郡殷蒨。畫鄱陽王。與寵妃照鏡狀。如欲偶寢。以示妃。妃唾罵曰。故宜早死。于是病亦除差。

### 阮簡圍棋

阮簡爲開封尹。有劫賊。吏白曰。甚急。簡方客圍棋。長嘯。吏曰。劫急。簡曰。局上劫亦甚急。

### 姊弟雙寵

符堅初滅燕。慕容冲姊清河公主。年十四。有殊

色堅納之。龍冠後宮。冲年十二。亦有龍陽之姿。堅又幸之。姊弟專寵。宮人莫進。長安歌曰。一雕復一雄。雙飛入紫宮。咸懼爲亂。王猛切諫。堅乃出冲。後冲進逼長安。堅遣之。錦袍曰。朕於卿恩分如何。而於一朝忽爲此變。

伯益希孟題贊

陳伯益面黑而狹。多髯。希孟見寫真掛壁上。戲題云。伯益之面。大無兩指。髭髯不仁。侵擾乎其

旁而不已。于是乎伯益之面所餘無幾。希孟避  
諱宗諱。改名直字古民。伯益咏其名曰。炊餅担  
頭挑取去。白衣舖上唱。將來伯益又寫一真衣  
阜道服。跣僧鞵。希孟贊之曰。禪鞵俗人。鬚鬢道  
服。儒巾面皮。秋水長天一色。落霞孤鶩。齊飛聞  
者笑倒。

### 死生無見

程師孟嘗請于王介甫曰。公文章命世。其幸也。



公同時願得公爲墓誌。庶傳不朽。惟公矜許。王問先正何官。程曰非也。某恐不得常侍左右。欲預求墓誌。俟死而刻之耳。又王雱死。有張安國被髮藉草哭于柩前曰。公不幸未有子。今郡君妊娠。某願死托生爲公嗣。京師朝曰。程師孟生求連死。張安國死願托生。

荅涇古玩

江夏王義恭。性愛古物。常過就朝求之。侍中何

最已有所送而王徵索不已何意不平常出行于道中見狗枷敗犢鼻乃命左右取之還以箱擎送之賡云承復湏古物今奉李斯狗枷相如犢鼻。

### 道民黥面

施道民爲孫威敏所黥既而復得爲民借小字軍人肩輿而出墮子固見之曰好一隻夾註轎子。

宋人戲破

宋末人戲作破題古曲題云。看看月上蒲萄架。那人應是不來也。最苦是一雙鳳枕。閒在繡緯下。破云。時至人未至。君子不能無疑心。物偶人未偶。君子不能無感心。吳歌題云。月子彎彎照幾州。幾家歡樂幾家愁。幾家夫婦同羅帳。幾家漂散在他州。破云。運於上者。無遠近之殊形。於下者。有悲歡之異。小山題云。媽媽只要光光鏤。

我苦何曾管。雪下去。官賣酒。輸番幾曾得免。怎  
容懶有客教奴伴。破云。吾親徇利而忘義。既不  
能以憂人之憂。吾身徇公而忘私。又強欲以樂  
人之樂。

### 年少戲責

乾道中。衆客赴郡宴。伎樂甚盛。一年少勇于見  
色。甫就席。中一客以服辭。乃命徹樂。勸酬次年  
少。責此人曰。敗一席之歡者爾也。真所謂不自

殞滅禍延過客者耶。賓主爲之哄堂。

程尹識字未穩

程單乃文簡公之子。尹京日有治聲。唯不甚知字。嘗有道民投詞牒乞執狀。造橋單大書昭執二字。斯人見其誤。遂白之。合是昭執。今是昭執。乃漏四點。爾單取筆。忽於執字下加四點。乃爲昭執。摩合諸生作傳以譏之。

曹東啟慰足詞

曹東畝赴省。陸行良苦。作詞自慰。其足云。春園  
期近也。望帝鄉。迢迢猶在天際。懊恨這一雙脚  
底。一日。廝趕上五六十里。爭氣扶持我。去博得  
一官歸。恁時賞你穿對朝靴。安排你在橋兒裏  
更選弓鞋。夜間伴你。

關漢卿得還王詭

大名王和卿滑稽挑達。傳播四方。中統初。燕市  
有一蝴蝶。其大異常。王賦醉中天。小令云。搗破。

莊周夢兩翅駕東風三百處名園一采一箇空  
難道風流種。就殺尋芳蜜蜂。輕輕的飛動。實花  
人。搨過牆東。由是其名益著。時有開漢卿者。亦  
高才風流人也。王常以譏謔加之。關雖極意還  
答。終不能勝。王忽坐逝。而鼻垂雙涕尺餘。人皆  
歎駭。關來吊唁。詢其由。或對云。此釋家所謂坐  
化也。復問鼻懸何物。又對云。此玉筋也。關云。我  
道你不識。不是玉筋。是鼻涕。咸發一笑。或戲關云。

你被和卿輕侮半世死後人纔記得一壽儿六  
畜勞傷則臭中常流膿水謂之膿又慣愛許人  
之短者亦謂之膿故云爾

羅隱嘲妓詩

羅隱與鍾陵妓雲英有舊妓一日譏隱未第隱  
嘲以詩曰鍾陵醉別十餘春重見雲英掌上身  
我未成名君未嫁可能俱是不如人

處士生欲速死



謝敷隱居會稽山初月犯少微一名處士星識者以隱士當之時吳國隱士戴逵名重于敷時人憂之俄而敷死會稽士子嘲云吳中高士便是求死不得

喜不識字

梅詢爲翰林學士一日書詔頗多屬思甚苦操觚循階而行忽見一老卒臥於月中久仰甚適梅忽嘆曰暢哉徐問之曰汝識字乎曰不識字

柳曰更快活也。

舉世皆濁

李涉過九江遇盜問何人從者曰李博士也其  
豪首云若是李博士不用剽奪久聞詩名願題  
一篇足矣涉贈一絕曰春雨瀟瀟江上村綠林  
豪客夜知聞相逢不用相迴避世上如今半是  
君。

張觸僧怒

張逸密學知成都僧文鑒求見時華陽簿張唐  
輔同在客次唐輔欲搔首方脫烏巾睥睨文鑒  
置於其首文鑒大怒訴於張公公問其故唐輔  
曰某方頭痒取下幘頭無處頓放見太師頭則  
遂權頓少時不意其怒

嘲附會姓氏

令狐綯入相自以姓氏少族人。有投者不吝通  
族。由是遠近趨之。至有姓胡冒令者。溫庭筠戲

爲詞曰。自從元老登庸後。天下諸胡悉帶令。

### 鍾毓鍾會

鍾毓鍾會小時。值父繇晝寢。因共偷服藥酒。其父假寐以觀之。毓拜而後飲。會飲而不拜。既而問毓何以拜。毓曰。飲以成禮。不得不拜。又問會何以不拜。會曰。偷本非禮。所以不拜。

### 相傳小號

吳人多謂梅子爲曹公。以其臂均梅止渴也。又

謂鷺爲右軍。有一士人遣人饋梅與燁鷺作書云。醋浸曹公一髭。湯煑右軍兩脚。聊備一饌。

具優殷

讀書而不應舉則已矣。讀書而應舉而望登科。登科而仕。仕而以進取。苟不違道與義。皆無不可也。而世有一種人。旣仕而得祿。反嚶嚶然以不仕爲高。若欲棄之。此豈其情也哉。故其經營有甚於欲仕。或不得間而入。或故爲小辜以去。

因以遲留。往往遂竊名以得美官。不辭世終不  
寤也。有言窮書生不識饅頭計。無從得一日見  
市肆有列而鬻者。輒大呼什地。主人驚問曰。吾  
畏饅頭。主人曰。安有此理。乃設饅頭百許枚。空  
室閉之。徐伺于外。寂不聞聲。穴壁窺之。則以手  
搏撮食者過半矣。亟開門詰其然。曰。吾見此。忽  
自不畏。主人知其給。怒而叱曰。若尚有畏乎。曰。  
尚有畏。膽茶兩碗爾。此豈求不仕者耶。

劉將軍不識鳳毛

謝超宗與右衛將軍劉道隆同朝。武帝稱謝殊有鳳毛。劉出候謝曰。聞君有異物。欲覓一見。謝口懸齋之室。何得異物耶。劉曰。方侍至尊。說君有鳳毛。謝含笑還內。劉謂檢覓鳳毛待久而去。